



Россиядин лайихлу художник дагустанви Шариф ШАГЪМАРДАНОВАЗ “Леонардо да Винчи” медаль ганва.

Цийи йисан вилик Санкт-Петербургда чи ватангълидид медаль Европадин тебии илимрин академиядин вице-президент Аркадий Горбунова вахкана. “Художникдиз награда изобразительный искусстводин рекьяй виридуьньяда гьисаба кьур яратмишунрин эсерар арадал гьунин карда кьетлен лайихлувилерай ООН-дин патав гвай наградаирин ва премийрин рекьяй Европадин комитетдин кьарардал асаслу яз ганвайди я. И организациядиз талукь тир чар Санкт-Петербургда художникрин Союзди рекье туна”, - кьейдзава РД-дин минкультурадин пресс-кьуллугъди.

Шариф ШАГЪМАРДАНОВ ери-бине Ахцегъай я. М.А.Жемалан тварунихъ галай художественный училище ва И.Е.Репина тварунихъ галай живописдин, скульптурадин ва архитектурадин институт акалтарай ам живописдин вишералди шикилрин, 20-далай виниз монументальный кьвалахрин автор я.

ЛЕЗГИ ГАЗЕТ

Жуван Ватан,
ватангълияр хуьх!

1920 – йисалай акъатзава

№ 2 (10699) хемис 14 – январь, 2016 – йис WWW.LEZGIGAZET.RU

Къимет “Дагпечатдин” киоскрай - 10 манат

Республикадин прокуратурада шадвили заседание Къанун-къайда - гузчивилик



Россиядин Федерациядин прокуратурадин органар тешкилайдалай инихъ 294 йис тамам хьунихъ галаз алакьалу яз 12-январдиз республикадин прокуратурада шадвили заседание кьиле фена.

И мярекатда РД-дин Гьукуматдин Председателдин заместитель Рамазан ЖАФАРОВА, РД-дин Халкъдин Собранидин Председателдин заместитель Сейфулагъ ИСАКЪОВА, РД-дин Верховный Суддин председатель Руслан МИРЗАЕВА, РД-дин Арбитражный суддин председатель Абумуслим АЛИЕВА, республикадин къанун-къайда хуьдай органрин руководителри, шегьеррин, районрин ва махсус прокуратурайрин прокурорри иштиракна.

РД-дин Гьукуматдин Председателдин заместитель Р.Жафарова республикадин руководстводин тварунихъай РД-дин Кьил Рамазан Абдулатипован тебрик раижна.

Ана Россиядин государстводин властдин кьурулушда прокуратурадин органри кьугъвазвай роль кьейднава.

Прокуратурадин работникар тах-

сиркарвилерин ва къанунсуз вири гьерекатрин аксина женг члугунин эвелимжи сенгеррал ала. Абуру Россиядин Федерациядин законодательстводал праводин вири субъектри ян тагана амал авун таъминарзава.

Тебрикда лугъузва: “Республикадин исполнительный ва законодательный властди прокуратурадин органрихъ галаз дуьзгун алакьаяр хуьзвайди чна разивилелди кьейдзава. Саналди тир чалишмишвилералди чна Дагустандин агъалийрин интересар хуьнин барадай лап важиблу са жерге везифаяр кьилиз акьудзава. Чи саналди тир кьвалахдилай республикада яшайишдинни политикадин жигъетдай гьалар хъсан хьун ва граждандри гьукумдин органриз ийизвай ихтибарвал мягкем хьун аслу я”.

Республикадин Кьили Дагустандин прокуратурадин органрин исятда кьвалахдик квай кьуллугъчийрилай, и кьуллугъдин ветеранрилай вич рази тирди кьалурнава. Абурухъ исягъвал, хушбахтвал, Дагустандин ва Россиядин абадвал патал кьвалахда агалкьунар хъана кьанзавайди кьейднава.

Доклад авур Дагустан Республикадин прокурор Рамазан Шагнавазова лагъайвал, прокуратурадин органри тухузвай гузчивилик кутунин кьвалах законлувал ва къанун-къайда хуьн таъминарунихъ рекье тунва.

▶ 4



МЕДЕНИЯТ

11-январдиз, 2016-йисан зегьметдин 1-юкьуз, Ахцегъ погранчастунин гьевечли шегьерда лишанлу вакьиа хъана. Ина шадвили гьалара Ахцегърин “Солнышко” аялрин бахчадин кьве дестедикай ибарат филиал ачухна.

▶ 7



СПОРТ

Цийи йисан вилик Махачкъалада, Дуствилин кьвале, спортсменрив ва абурун тренеррив наградавар вахкуниз талукьарнавай шад мярекат кьиле фена. Ам Дагустандин Гьукуматдин Председателдин Сад лагъай заместитель Анатолий Къарибова ачухна.

▶ 12

Тебрикар

За журналистриз, ветеранриз, издателриз, полиграфиядин работникриз пешекарвилдин сувар - Россиядин печатдин югь мубаракава.

Къе журналистрин хиве агъалияр дуьзгун, керчек информациядалди таъминарунин, властдинни обществодин алакьаяр гегьенишарунин, миллетрин арада, жуьреба-жуьре динрал амалзавайбурун арада меслятвал мягкемарунин, агъалийрик чеб уьлкведин граждандар тирди аннамшунин гьиссер, ватанперсвилдин рехъ кьунин гьиссер кутунин патакъай кьетлен жавабдарвал гьатзава.

Чи йикъара, дуьньяда политикадин жигъетдай еке дегишвилер кьиле физвай девирда, терроризмдинни экстремизмдин идеологиядиз информационный жигъетдай аксвал авун и члвалди гьич садрани тахъайвал важиблу я.

Авамвилехъ галаз женг члугун, образование, илим, Дагустандин халкъарин адетдин культура вилик тухуниз информационный жигъетдай кьумек гун прессадин важиблу везифа яз амукъзава.

Массовый информациядин такъатри Дагустандидик хъсан фикирар арадал гьунин карда ва республика исягъвилдин рекье аваз вилик финин патакъай кьивал авунин карда лап важиблу роль кьугъвазва.

Зун инанмиш тирвал, Дагустандин журналистар пешекарвилдин барадай кардин гьавурда аваз хьун ва меслятирив яратмишунин теьгерда эгечлун гележгедани республикадин информационный майдан гегьенишарун патал умудлу бине яз амукъда.

Заз кьехъ сагъламвал, исягъвал ва хушбахтвал, Дагустандин ва Россиядин абадвал патал кьуь кьвалахда гележгедани агалкьунар хьун кьанзава!

Дагустан Республикадин Кьил Р.АБДУЛАТИПОВ

* * *

ИГРАМИ ВАТАНГЪЛИЯР!

За кьез алуькнавай 2016-йис ва кьугъне цийи йисни михъи рикелди мубаракава. Гьа са вахтунда за “Лезги газетдин” ва чи милли изданийрин, телеканалрин яратмишунардай коллективриз массовый информациядин такъатрин югъни тебрикава.

Шегьрен йис тарихдиз фена, Маймундин йисан сифте йикъара чна неинки авур кьвалахрин нетижеяр кьазва, гьакьни чи гележге, пакадин югь патал планрни тукьлуьрзава. Завай лугъуз жседа, дагустанвийри алаатай йисуз лайихлувилелди зегьмет члугуна, экономикада, яшайишда, культурадин ва общественный уьмуьрда виле акьадай хьтин агалкьунар кьазанмишна. Чна вирида санал кьадим Дербент шегьердин юбилейдин мярекатар баркалувилелди кьиле тухвана.

Зун инанмиш я, уьлкведа кризисдин гьалар давам эжеватлани, четинвилер маони ацалтдатлани, алуькнавай йис республика ва чи районар, агъалияр патал меслятвал мадни мягкемардайдаз, кьени, хъсан крарин иесияр жседай, яратмишунрин кьвалахдал рикливай алахъдай йисаз элкьведа.

Заз кьехъ мягкем сагъламвал, уьмуьрдихъ цилгелвал, зегьметда агалкьунар, хизанрин динжвал, кьулайвал, кьун вири хушбахт хьун кьанзава.

Дагустан Республикадин Халкъдин Собранидин Председателдин заместитель Сейфулагъ ИСАКЪОВ

Чи арадай Фазу Гьамзатовна Алиева акъатна Ам зурба шаир ва писатель тир



2016-йисан 1-январдиз чи арадай халкъдин шаир, писатель, общественный деятель Фазу Гьамзатовна АЛИЕВА акъатна. Ам эхиримжи рекъе тун патал Дагъустандин Кьил Рамазан Абдулатипов, РФ-дин Президентдин Администрациядин руководительдин заместитель Мегьамедсалам Мегьамедов, РД-дин Халкъдин Собранидин Председатель Хизри Шихсаидов, РД-дин Гьукуматдин Председатель Абдусамад Гьамидов, РД-дин Гьукуматдин Председателдин Сад лагъай заместитель Анатолий Къарибов, РД-дин Кьилин ва Гьукуматдин Администрациядин Руководительдин Сад лагъай заместитель Исмаил Эфендиев, Махачкъала шегьердин мэр Муса Мусаев, республикайрин министрствойринни ведомствойрин руководитель, общественностдин, яратмишдай интеллигенциядин векилар атана.

Фазу Алиева рикел хкуналди, Дагъустандин Кьили ада неинки пешекарвилдин рекъе лап чехи агалкъунар къазанмишайди, гьакни мягкем, чешнелу хизан тешкилайдини къейдна.

- Гьурметлу дагъустанвийр, мукьва-кьилияр, багърияр! - лагъана Рамазан Абдулатипова. - Чун вири Фазу Гьамзатовнадин мукьва-кьилияр ва багърияр я, вучиз лагъайта - им чун патал лап еке гьурмет я. Ам яргал тир дагъдин хуьре дидедиз хъана ва, уьмуьрдин чехи рехъ кечирмишуналди, ам дагъви дишегъли, гьам инсанрихъ галаз алагъ-салагъда гьатунин барадай, гьам вичин яратмишунра михьиди, гьейратлуди яз амуькда.

Фазу Алиева, са шакни алачиз, анжах са вичиз хас кьетленвилер авай кас тир. Ахьтин касдиз, иллаки вун бажарагълуди тир ва уьмуьрдиз амайбурулай са къадар масакла килигзавай члавуз, и дуьньяда вич кьиле тухун лап четин жезвайди я... Гьакькъатда ам Дагъустан патал вах ва диде тир. Ам рагъметдиз фин - неинки Дагъустан патал, гьакъи вири Россия патални еке магърумвал я.

Республикадин Кьили мадни малумарайвал, Фазу Алиевадин ктабар дуьньядин 68 чалал таржума авунва. Машгур писателдин, шаирдин, публицистдин яратмишунар виниз тир наградагъиз лайихлу хъана, абур Россиядин сергъятрилай яргъарани машгур хъанва.

- Заз Россиядин Федерациядин Президент Владимир Путин адахъ галаз лап хушвилелди ва чимвилелди рафтарвал ийиз хъайиди чида. Чун гьурьшмиш хъайи члавуз, Расул Гьамзатовкай ихтилат кватайла, ада Фазу Гьамзатовнадини вичивич гьикъ гьиссзава лагъана итиж авунай. Ада прозадин надир дережадин эсерар тунва. Гьавилай Фазу Алиева Гьамзатовнадин яратмишунрин макъсад гьакькъатда чирунин кьвалах анжах гила башламиш жезвайди я. Чун адан тварцив ва яратми-

шунрив къадирлудаказ эгечда. Фазу Алиевади Дагъустандин вири талар ва бедбахтвилер вичинбур хьиз гьиссна. "Гуьлле гуьмир!" - адан и звер гун республикадин вири агъалийрив агакъун лазим я.

Фазу Алиева Гьамзатовнадилай чав агакъдай гьар са цар - им дуьба, мани ва камаллу меслят хьиз гьисабиз жеда. Гьавилай за вири Дагъустандиз, Россиядиз зурба шаирдин мукьва-кьилийриз, багъририз, дериндай хажалат члуьгунивди башсагълугъвал гузва. Зун инанмиш тирвал, Фазу Гьамзатовнадин твар ва яратмишунар дагъустанвийрин риклера, росиявийрин риклера гьамишалугъ яз амуькда, - лагъана Рамазан Абдулатипова.

Дериндай дерт паюнин келимаяр РФ-дин Президентдин Администрациядин Руководительдин заместитель Мегьамедсалам Мегьамедовани лагъана:

"И магърумвилехъ галаз алакълу яз, за Россиядин Президент Владимир Путинан, РФ-дин Президентдин Администрациядин Руководительдин, Президентдин Администрациядин, гьакни жуван хизандин патай башсагълугъвал гузва. Фазу Алиева лап агъур вахтара Дагъустандихъ галаз хъана. Ам чи риклера, тарихда чи Ватандин лап хъсан рушарикай сад яз амуькда", - инанмишвал кьалурна Мегьамедсалам Мегьамедова.

Дериндай башсагълугъвал гунин келимаяр Дагъустандин халкъдин шаир, РД-дин писателрин Союздин правленийдин председател Мегьамед Агьмедова, "Дагъустандин правда" газетдин кьилин редактор, РД-дин журналистрин Союздин председателдин заместитель Бурлият Токболотовади, Дагъустандин халкъдин шаир Мегьамед Гьамидова, "Дагъустандин дишегъли" журналдин жавабдар секретарь Ажа Хаппалаевади, РД-дин халкъдин артист Айгум Айгумовани лагъана.



Фазу Алиева 1932-йисан 5-декабрдиз Хунзах райондин Геничутл хуьре дидедиз хъана. Адан сифтегъан теснифар 1949-йисуз аваррин "Дагъларин большевик" газетдин, "Дагъустандин комсомолец" газетдин, авар чалал акъатзавай "Дуствал" альманахдин чинра чапна. 1961-йисуз ам СССР-дин писателрин Союздин жергейриз къабулна. 1969-йисуз адаз "Дагъустандин халкъдин шаир" лагъай гьурметдин твар гана.

Яратмишунин кьвалахдин йисара ада поэзиядинни прозадин вишелей виниз ктабар акъудна. Абурукай хейлинбур дуьньядин халкъарин чалариз таржума авунва. Адан "Хайи хуьр", "Гатфарин гар", "За хважамжам пайзава", "Легъзе", "Гуьлуьн кьерехда", "Кьисмет", "Булахар дагълара арадал кьезвайди я", "Цемужуьд лагъай гатфар", "Цун лишан", "Фер", "Дишегъли-яр рехи вучиз жезвайди я", "Муаллим", "Дагъдин жики", "Кьве шефтели" тварар

алай ва хейлин маса эсерриз неинки жергедин кьелзавайбуру, гьакни пешекаррини виниз тир кьиммет гана.

Фазу Гьамзатовнади чехи общественный кьвалах тухузвай. 1971-йисуз ам Дагъустандин ислягъвал хуьдай комитетдин ва Советрин Ислягъвилдин фондунин Дагъустандин отделенидин председателвиле, Виридуьньядин Ислягъвилдин советдин членвиле, пуд сеферда ам ДАССР-дин Верховный Советдин депутатвиле хъана, 15 йисуз ам ДАССР-дин Верховный Советдин Председателдин заместителдин къуллугъдал хъана, ам Россиядин Федерациядин Общественный палатадин членни тир.

Фазу Алиевади Дагъустандин дишегълийрин Союзда тухузвай кьвалахдиз еке фикир гана. Ам жергедин дагъви дишегълийрин таллабунрив риклин сидкьидай эгечина, обществодин уьмуьрда дишегъли ва диде гуьндурь дережада хуьн патал вири крар ийиз алахъна. Идан патахъай ада вичи 45 йисуз датлана регъбервал гайи "Дагъустандин дишегъли" журналдин чинрай суьгъбетна.

Фазу Гьамзатовнадин яратмишунрин ва общественный лайихлувилер "Знак Почета" кьве орден, Халкъарин дуствилер орден, "Ватандин вилик лайихлувилерай III ва IV дережайрин орденар, "Дагъустан Республикадин вилик лайихлувилерай" орден, къецепатан уьлквейрин ва общественный хейлин наградаяр, литературный премияр гуналди къейдна. 2002-йисуз Ватандин вилик кьетлен лайихлувилерай адаз Россиядин кьилин награда - Пак апостол Андрей Первозванныйдин орден гана.

Вичин бажарагъдал кьиммет эцигзавайбурув цийи эсерар агакъаруналди, общественный уьмуьрда иштиракуналди, Фазу Гьамзатовна вичин уьмуьрдин эхиримжи йикъаралди уьмуьрда хъанавай рекъиз вафалу яз амуькна.

Къизлярда ва Первомайское хуьре бедбахтвилдин вакъияяр кьиле фейидалай инихъ
(1996 йисан 9-17-январь)
20 йис тамам хуьниз талуьк яз республикада кьиле тухудай серенжемар

1996-йисан 9-январь Къизляр шегьердин тарихда члуьлав югъ яз гьатна. И шегьерда ва Первомайское хуьре кьиле тухвай террориствилдин гьерекатди неинки Къизлярдин, Республикадин, гьакъи вири уьлкведин агъалияр ва дуьньядин сообщество ажуьглу авуна. Террористрин тахсиркарвилдин акъалтлай вагъши гьерекатар себеб яз гьич са тахсирни квачир цудралди инсанар телеф хъана. И дерт кьилди чпиз талуьк хуьнилай ва я талуьк тахъунилай аслу тушиз инсанрин риклер кьарсатмиш хъана. Гьар са хизанди хажалат члуьгана.

2013-2018-йисара Россиядин Федерацияда терроризмдин идеологиядиз аксивал авунин Комплексный план кьилиз акъудунин мурад ар аваз, Дагъустан Республикадин Кьил Рамазан Абдулатипован тапшуругъдалди республикадин хейлин муниципальный тешкилатра, гьа гьисабдай Махачкъалада ва Къизлярда выставкаяр, фестивалар ва ватанперсвилдин маса серенжемар кьиле фида:

19-ЯНВАРДИЗ - республикадин "Эбеди яз риклера" лишандик кваз республикадин шикилрин выставка, Махачкъала шегьер, РД-дин Милли библиотека. Ам йикъан сятдин 3-даз ачух жеда.

22-ЯНВАРДИЗ - республикадин фестиваль - "Зи Ватандин манияр" твар ганвай серенжем, Къизляр шегьер, Россиядин халкъарин адетдин культурадин центр. Йикъан сятдин 11-даз башламиш жеда.

26-ЯНВАРДИЗ - "Ватан квейлай башламиш жезвайди я" лишандик кваз республикадин аялрин шикилрин выставка, Махачкъала шегьер, РД-дин милли библиотека. Йикъан сятдин 3-даз башламиш жеда.

Гьакькъатдани гзаф йисар арадай фенва. Амма гьам члуьгунин а йикъар а вакъияйрин иштиракчийрин, шагъидрин рикел хунра, шикилра, репортервилдин материалра махсус документрин кьуру текстера амуькнава. Вири и делилар выставкайра раижда. Серенжемарин программада а вакъияйриз талуьк яз чкадин авторрин ширар кьелун, манияр тамамарунни кьалурнава.

Серенжемар тешкилзавайбуру: РД-дин культурадин министерство, РД-дин культурадин министрстводин халкъдин яратмишунрин Республиканский квал, "Къизляр шегьер" МО (Дагъустандин муниципальный тешкилатрин куьмекни галаз).

2016-йисан январдиз РД-дин Халкъдин Собранидин депутатрин центрада агъалияр къабулунин ГРАФИК

1. МАЧАЕВ Абдугьалим Абдулазизович 14.01
2. КАСИМОВА Рима Ражабовна 19.01
3. БАТДАЛОВ Батдал Ражабович 20.01
4. МУРСАЛОВ Сафидин Наврузалиевич 21.01
5. АБАСОВ Багъадур Гьадисович 26.01
6. ЖАМБУЛАТОВ Зайдин Мегьамедович 27.01
7. ИСАКЪОВ Сейфулагъ Бейдулагъович 28.01

КЪЕИД: винидихъ твар кьунвай йикъара пакаман сятдин 10-далай нянин сятдин 5-далди къабулда. Нисинин сятдин 1-далай 2-далди ял язавай вахт я.

2016-йисан январдиз талуьк тир темайрай чкадал фена къабулунар

ГЪАЛИМОВ Низами Ниязович - Россиядин ФССП-дин РД-да авай управленийдин руководитель - РД-дин Кьилин судейный пристав, 28.01.2016-й., 10.00-13.00.

С.Б.ИСАКЪОВ - ПП-дин РОП-дин руководитель, Каспийск шегьер, 26.01., 2016-й., 10.00.

Къилин редактордин гаф Сагърай вири!

Аяз Бубади мад са йис кьулукъна,
Маймун атана, цийи йис алукуна.
Ханумди живедин нурарни чукурна.
Елкадин суфраяр няметрив ацурна.

Садрани зун инанмиш жедач инсан маймундикай хъанвайдахъ. Адамни Гъава халкъ авур Халикъ авайди я. Бязибур и кардихъни инанмишариз жезвач. Туширтга, алимар ара датлана дуньядин сирерай кыл акъудиз алахъдачир. А сирерихъ лагъайтга къадар-гъисаб авач.

Яру Амалдар Маймундин йис алукудалди чав са цийи хабарни агакъна. Чан алай микроорганизм, яни бактерия, жагъанва. Вични Якутиядин мурклади кунвай Мамонтдин дагъдай. Яш адан 3 миллион йисалайни гзаф я лугъзува. Ава къван и дуньяда садрани рекъин тийидай шейэрни.

Мосгосуниверситетдин геокриологиядин кафедрани заведующий, геолого-минералогический илимрин доктор Анатолий Брушкова а бактериядин аламатар чирун патал къиферал, тветтерал махсус тежрибар тухвана, гъатта, къиникъикайни кичле тахъана, вичизни ада и бактериядин раб яна. Нетижа гъихътинди жедатга, гъелелиг садавайни лугъзу жедач. Амма Сад Аллагъди Адамазни Гъавадиз женнетда туйн къадагъа авур емиш и дуньяда дадмишунивай абурун невейрни яргъа жезвач.

Дуньядин сирерай кыл акъудун патал тежрибар тухвай алимар тир А.Богданов, М.Скловская-Кюридиз вахтсуз агъа дунья къисмет хъана. Амма И.Мечников, Б.Маршалл хътин алимри Нобелан премияр къазанмишна.

Инсан маймундикай хъайиди гъикл тестикъариз жедат къван, инсан хъиз рахадай, инсандин къаш-къамат авай са маймунни гъелелиг дуньяда пайда тахъанвайла? Эхъ, йисар къвез акъатзава. Цин Чулава Гъульгъдинди хъайи 2013-йис Балкандин 2014-йиса звезда. Чулава Гъульгъ, гъикъван лагъайтлани, риклизи савух, къайи зат я. Ада агъуламышун мумкин тирдини чи риклерай садрани акъатдач. Ятлани а йис Россиядин Федерация, Дагъустан патал писди хъаначир. Хъсан дегишвилер, цийивилер, шадвилер гзаф хъанай. Балкандин 2014-йис чна мадни хъсанди хъуник еке умудар кутунай. Чи рикел ам улькведин сенгер мягъкемарай, Крым Россиядин Федерациядик экечл хъувур, Олимпиадада чи спортсменри зурба гъалибвилер къазанмишай, чи республика вилик тухунин жигъетдай хейлин агалкъунар къазанмишай йис яз аламукъна. Шазан Цегърен йисуз чна Ватандин Чехи дяведа Чехи Гъалибвилин 70 йисан, Дербент шегъердин 2000 йисан юбилеяр къейдна. Ам вири улькведа Литературадинди, чи республикада Багъманчивилиндини хъана.

Гъелбетда, чаз гъар са йис жезмай къван бегъерлуди, берекатлуди, дуньяда ислягъвили агъавалдайди хъана кланзава. Гъайиф хъи, эхиримжи йисар, вучиз ятлани, чун патал са акъван хъсанбур, бегъерлудур, берекатлудур жезвач. 2013-йисуз Россиядин Федерацияда гъар са касдин кьилиз юкъван гъисабдалди 14 агъзурни 500 доллардин кьимет авай продукция (ВВП) гъасилнай. 2014-йисуз адан къадар 12 агъзурни 900 доллардал къван, 2015-йисузни 8 агъзурни 400 доллардал къван агъуз аватна. Йисалай-суз ихътин усал нетижаяр 1995 ва 1996-йисарилай инихъ садрани мад хъайиди тушир.

Яру Амалдар Маймундин йисуз, къейдзава пешекарри, улькведа гъар са касдин кьилиз анжах 7 агъзурни 400 - 8 агъзур доллардин кьимет авай продукция гъасилун мумкин я. Агъалирин гъакъикъи доходар анжах са алатай йисуз саки 11 процентдин агъуз аватайдини фикирда къуртга, халкъдин гележег мукъвал вахтар са акъван рагъ алайди тахъун мумкин тирди аннамисун четин жедач.

Амма уьмуьр давам жезва. Цийи йисни важиблу вакиайрив ацанва. Госдумадиз депутаттар хъадай сечкияр киле фида. Президентди цинин йис Кинодинди яз малумарнава. Дагъустанда ам Дагълариндини яз къейдда. Чи республикадин зегъметчийри Цегърен йисуз са акъван усал агалкъунар къазанмишна. Россиядин Федерациядин субъектрин арада ада лапагрин къадардал ва майваяр гъасилунал гъалтайла 1-чка, ципицар гъасилунай 2-чка, ири карч алай гъайванрин къадардал гъалтайла - 3-чка, емишар гъасилунай - 5-чка къуна. 97 миллиард манатдин кьимет авай хуьрун майишатдин продукцияни гъасилна.

Инал газ чна шаз Дербент шегъердин 2000 йисан юбилей къейд авурди ва ам 2018-йисалди давамари хъийидайди рикел хъиз кланзава. Гъа са вахтунда, шаз хъиз, цини чак жегил несилдиз милли чалар чирунин жигъетдай арадал къвезвай гъалари къалабулук кутазава. "Лезги газетни" улькведа четин гъалар арадал атун себеп яз цин чна 24-дан чкадал 16 чин аваз акъудзава. Нумарярни мумкин я, 52-дан чкадал, 47 хъун.

Аваррин республиканский "Гъакъикъат" газетди арадал атанвай четинвилер себеп яз районрин газетрикай вичин вкладышар ийиз кланзава. Ида чаз гележегдэ районра милли чаларал газетар акъудзавай редакцияр амуьк тавун мумкин тирдакай хабар гузва. Акъавзайвал, республиканский милли газетар мажбур жезва районрин администрациярихъ галаз гаф-члал жагъурна, анра дидед члаларал акъудзавай газетрин редакцияр агализ туниз ва абур патал чара ийизвай такъатрихъ чпин вкладышар акъудуналди, са жуьре кыл хуьниз. Ида чи халкъарин члалар, литература, культура, искусство, адетар хуьниз гъихътин еке зиян гудатга аннамисзавач. Аннамисзаватлани, маса чара амуькзавач.

Дагъустанда "Россиядин Почтадилай" гъейри районрин пресса ахгакъарзавай маса кархана авач. Адани чи хейлин хуьрера почтарин отделениеяр, менфятлу туширивлай, агал хъувунва. Газетар, журналар вахт-вахтунда ахгакъар тийизвайвилей, агъалиярни абур кхъинивай яваш-явашдиз къерех жезва.

Зи вилик "Лезги газетдин" 2013-йисан 1-нумра ква. Адан тираж 10401 экзепляр тир. 2014-йисан 1-нумрадин тираж 9622 экзеплярдал къван агъуз аватна. 2015-йисузни чи газетдин 1-нумрадин тираж 8171 экзепляр хъана. Анжах са цин, яни Яру Амалдар Маймундин йисан 1-нумрадин тираж ша-зандадай са тимиш артух хъанва. Идан себепни, за аннамисзавайвал, лезги халкъди вичин дидед члалал акъудзавай республикадин газет хуьнихъ ялвар авун хъана. Чна алатай йисузни 37-нумрадила 52-нумрадалди "Лезги газет" 16 чин аваз акъуднатлани, почтадин отделениеяр авачир хуьрера ам кхъинин жигъетдай хейлин четинвилер арадал атанатлани, бязибурив шаз вахт-вахтунда газет ахгакъарначлани, лезгийри "Лезги газет" кхъена. Сагърай вири!

Дагъустандин Автономный Советрин Социалистический Республика (ДАССР) тешкилай йикъалай инихъ 95 йис тамам хъун сувар хъиз къейд авунин гъакъиндай

Дагъустан Республикадин Къилин Указ

2016-йисуз Дагъустандин Автономный Советрин Социалистический Республика (ДАССР) тешкилайдалай инихъ 95 йис тамам жезвайвилехъ галаз алакълу яз за къарар акъудзава:

1. Дагъустан Республикадин Гъукуматди таъминарин:

Дагъустандин Автономный Советрин Социалистический Республика (ДАССР) тешкилай йикъалай инихъ 95 йис тамам хъун сувар хъиз къейд авунин гъазурвал акун ва ам киле тухун; массовый информациядин такъатра Дагъустандин Автономный Советрин Социалистический Республика (ДАССР) тешкилай йикъалай инихъ 95 йис тамам хъунин талукъарнавай материалар гун.

2. Меслят къалурын:

илимдин организациониз ва высший образованидин организациониз Дагъустандин Автономный Советрин Социалистический Республика (ДАССР) тешкилай йикъалай инихъ 95 йис тамам хъунин талукъарнавай конференцияр (элкъвей столар) киле тухун;

Дагъустан Республикадин муниципальный районрин ва шегъеррин округрин чкадин самоуправленидин органриз, организациониз ва общественный тешкилатриз - Дагъустандин Автономный Советрин Социалистический Республика (ДАССР) тешкилай йикъалай инихъ 95 йис тамам хъун сувар хъиз къейд авунин талукъарнавай серенжемар киле тухун таъминарун.

3. И Указ вичел къул члугур йикъалай къуватда гъатзава.

Дагъустан Республикадин Къил

Р.АБДУЛАТИПОВ

Махачкъала шегъер, 2015-йисан 31-декабрь, №355

Юбилейдиз гъазур жезва



Композитор **Мурад КАЖЛАЕВАН** юбилейдиз талукъ яз Дагъустанда са жерге серенжемар киле тухуда. РД-дин культураддин

министерстводин пресс-къуллугъди хабар гузайвал, и мярекатар "Мурад Мегъамедович Кажлаев дидедиз хъайидалай инихъ 85 йис тамам хъун сувар хъиз къейд авунин гъакъиндай" РД-дин Къил Рамазан Абдулатипован Указдин бинедаллаз киле тухузвайди я. И серенжемар композитордин яратмишунрин къвалахдин 65 йис тамам хъунин галазни алакълу ийизва.

15-январдиз Урусрин театрда композитордин юбилейдиз талукъарнавай шадвилин вечер киле фида, 2016-йисуз Мурад Кажлаеван музыкальный эсерриз талукъ фестиваль ва чпе и композитордин музыка ишлемишнавай художественный фильмайрин фестиваль киле фида. Идалай гъейри, министерстводиз М.Кажлаеван яратмишунриз талукъ яз республикадин музыкадин рекъай чирвилер гудай идарайра ва искусствойрин школайра тематический конкурсар ва вечерар тешкилдай фикирни ава.

Композитордин уьмуьрдиз ва яратмишунриз талукъарнавай, чеб телекомпаниярин фондарай къачунвай фильмайри кълурда. Дагъустандиз лагъайтга, Азербайжандин "Гая" вокальный квартет ва Дондал алай Ростовдай джаздин музыка тамамардай устадар концерттар гъаз къведа.

Къанун-къайда - гузчивилик

1 ◀

Республикадин прокуратуради обществодин вири хилера закон виридалайни вине къунин принцип тестикъарунихъ элкъурнавай серенжемар галай-галайвал киле тухузва.

Прокурорди малумарайвал, къабулай тешкилувиленин практикадин серенжемрин нетижада прокурорвиленин гузчивилик кутунин менфятлувал гъакъикъатда къвалахдин вири терефра хжак хъанва: 2015-йисуз гузчивилик кутунин къвалах киле тухудай члавуз дуьздад акъудай законар члурини дуьшуьш-рин къадар артух хъана, идахъ галаз сад хъиз гайи протестрин суддиз ракъурай арзайрин, гайи представленийрин къадарни гзаф хъана. Абуруз килигунин нетижайрал асаслу яз тахсирлу ксар низамдин барадай жавабдарвилез члугуна.

Рамазан Шагънавазова мадни къейд авурвал, къанун-къайда хуьдай маса органрихъ, государстводин властдин ва чкадин самоуправленидин органрихъ галаз саналди киле тухвай гъерекатрин нетижада республикадин территорияда амазай бандитрин тешкилатриз акси женгина хъсан нетижаяр къазанмишиз алакълу; тешкиллу тахсиркарвиленин тешкилатрин башчияр ва иштиракчияр хатасуз авуна. Терроризмдизни экстремизмдиз аксвал авунин къвалах тешкилуин жуьрерив ва къайдаяр саналди тир чалишмишвилералди дегишариз алакълу. Нетижада эхиримжи къве йисуз республикада террориствиленин гъерекат-

риз рехъ ганач, агъур са жерге тахсиркарвиленин вилик пад къуна. Къвалахдин маса хилерайни, гъа гъисабдай экономикадиз талукъ хиле, тахсиркарвилер авур ксар дуьздад акъудунин барадай хъсан нетижаяр къазанмишиз хъана.

Республикадин прокурорди лагъайвал, санлай къачурла хейлин крар авунватлани, гъеле гъялиз тахъанвай месэлаяр фикирда къуналди, гъиле авай йисуз прокуратурадин органри экстремизмдизни терроризмдиз, коррупциядиз ва тешкиллу тахсиркарвилериз аксвал авунин къвалах давамарун герек я.

Вичин рахунрин эхирдай Р.Шагънавазова гъакъисагъвилелди къвалахунай прокуратурадин вири къуллугъчийриз сагърай лагъана ва абуруз пешекарвиленин сувар мубаракна.

Шадвилин заседанидал рахай РД-дин Халкъдин Собранидин Председателдин заместитель Сейфулагъ Исакъова вири депутатрин тварунихъай тебрикдин келимаяр агакъарна, республикадин къенепатан крарин министр Абдурашид Мегъамедова прокуратурадин работникри пешекарвал хжакунин барадай тухузвай къвалах къейдна, заседанидал ФСИН-дин Дагъустанда авай управленидин руководитель Муслим Даххаева, прокуратурадин работникрин ветеранрин Советдин председатель Осман Омаровани тебрикдин келимаяр лагъана.

Ахпа прокуратурадин иллаки тафаватлу хъайи работникрив государстводин ва ведомстводин наградаяр вахкана.

Лезгинцевриз талукъарай мярекат

Къагъриман ИБРАГЪИМОВ

Алатай йисан эхиримжи йикъара Белиж поселоқдин Г.Лезгинцеван тиварунихъ галай школадин урус члаланни литературадин муаллим **Саняет АБДУЛКЕРИМОВА-ДИ** писатель ва алим Г.Лезгинцеван яратмишунринни умуурдин реқиз талукъарнавай мярекат тешкилна.

Мярекатда Г.Лезгинцеван птул **Садуллагъ РАМАЗАНОВА**, Белиж поселоқдин администрациядин къил **Несредин АХУНДОВА**, шулви **Халифа КЪАДИМОВА**, шаир **Гъулангерек**, муаллими ва члехи классра клелзавай аялри иштиракна.

Мярекат ачухдалди вилик школадин директор **Къ.ИБРАГЪИМОВА** ученикар мугъманрихъ галаз танишарна.

Садуллагъ Рамазанова Лезгинцеврин тухумдикай ва къилди Г.Лезгинцевакай авур суьгъбетрихъ аялри лап дикъетдивди яб акална.

Инлай мярекатдин жилавар аялри чпин гъиле къуна. Абуру Лезгинцеврин яратмишунриз ва



умуурдиз талукъарнавай сегънеяр къалурна.

Ахпа анал рахай Несредин Ахундова Мегъамед Лезгинцеван тивар Белиж поселоқдин куьчедиз ганвайди, Георгий Лезгинцеван тивар Белиж поселоқдин куьчедиз, Дербентдин са куьчедиз ганвайди ва мярекат къиле физвай школадли алайди къейдна.

Мярекатдал амай мугъманарни рахана.

Чи члехи уьлкведин тарихдани ва халкъарин къисметра лап зурба гелер тур, "Лезги" лагъай тивар ватандилай къеце патани гуьндур дережадиз акъудай Лезгинцевар белижвийри эбеди яз чпин риклера хуьзва.

Мярекатда иштираккай аялриз ва мугъманриз пишкеш яз Нариман Ибрагъимован "Риклин клусар" ва "Худаварди-Будаверди" ктабар гана.

Ачух тарс тухвана



Желил ЖЕЛИЛОВ

Мегъарамдхуьруьн райондин Бут-Къазмайрин юкъван школадин социальный педагог **МЕГЪЕМЕДОВА Марьянади** и мукъвара 9-11-классра клелзавай аялрихъ галаз "Экстремизмдиз, терроризмдиз - ваъ" тивар ганвай ачух тарс тухвана. Тарсуниз ОБЖ-дин тарсар тухузвай **Мукаил АГЪМЕДОВ** ва полициядин лейтенант **Арсен САИДОВ** атанвай. Аялрин "Чун экстремизмдиз, терроризмдиз акси я" лишанрик кваз шикилар газурнавай.

Тарсунин эхирдай аялрихъ ва абурун диде-бубайрихъ элкъвена М.Агъмедовани А.Саидова насигъатдин суьгъбетар авуна.

Ахцегъ погранчастуна - аялрин бахча!

Дашдемир ШЕРИФАЛИЕВ

11-январдиз, 2016-йисан зегъметдин 1-юкъуз, Ахцегъ погранчастуни гъвечли шегъерда лишанлу вакъиа хъана. Ина шадвилдин гълара Ахцегърин "Солнышко" аялрин бахчадин куьве дестедикай ибарат филиал ачухна. Гила сергъятчийрин 40 аялдивай ина мектебдиз гъазурвал, чирвилерни вердишвилер къачуз жеда. Къейдин, Дагъустанда им, аялрин бахча авай анжах са погранчасть я ва са дараматда аялрин бахчани мектеб кардик квай погранчасть гъатта чи уьлкведани авач.

Кватл хъанвайбур тебрикуналди, мярекат Ахцегъ погранкуллугъдин начальниқдин заместитель И.С.Шептухина къачуна:

- Гуьрметлу диде-бубаяр, юлдашар! Аялар чи гележег, обществодин цуьквер я, лагъана ада. - Абуруз дуьз тарс-тербия гунилай важиблу кар авач. Погранчастуна девирдин истемешунриз куьр аялрин бахча - им чи куьллуьгъчийрин эрзиман мурад тир. Къуй и экуь, чими, вижевайдаказ тадаракламишнавай къулай квалера чи аялриз гъамиша хъсан гелкъуьн, тлуьнхъун, дуьз тербия ва чирвал къачудай мумкинвал хъурай! Шегъердин хътин къулай шартлар авай яшай-



ишдин квалер, мектеб, гила аялрин бахчани хъуни ина яшайишдин хел ерилуодаказ вилик физвайдан гъакъиндай шагъидвалзава.

- Аялрин и бахча ачухунин карда, - давамарна Игорь Шептухина, - иллаки Ахцегъ райондин руководстводин, мергъяматлувилдин "Просвещение" фондунин лайихлувал къейд тавуна жедач. Абурун куьмек квачиз и кар арадизни къведачир. "Солнышкодин" куьве десте ачухуникди гъич тахъайтла алава яз зегъметдин 20 чка, сергъятчийриз яшайишдинни куьллуьгъдин хъсан шартлар арадиз атанва...

Трибунадихъ Ахцегъ райондин къилин заместитель Алмас Шуаевни экъечина. Ада вичин ва Ахцегъ муниципалитетдин регъбер О.Абдулкеримован патай погранча-

нин руководстводиз, аялрин бахчадин филиалдин цийи коллективдиз Цийи йисан и савкъат мубаракна. Тебрикдин хуш келимаяр гъаз мярекатдал гъак "Просвещение" фондунин вице-президент, райондин информагентстводин руководитель Максим Алимов, "Солнышко" бахчадин заведующий Афизат Перинава ва масабур рахана. Диде-бубайрин патай Цийи йисан багъа савкъат яз алрин бахча ачухунин чухсагуьлдин гаф Алеся Меркуловади лагъана.

Мярекат аялрин члехи концертдалди давам хъана. Лишанлу лент атлайдалай къулухъ, мярекатдин иштиракчийри мугъманар аялрин цийи бахчадин къулайвилерихъ галаз таниш хъана ва абур пара рази яз амукъна.

25 йисан вилик

Гъазурайди - Ханум ШАЙДАБЕГОВА

Дуьньядал яшамеш жезвай гъар са касди пакадин йикъакай, гележегдикай фикирдай четин вахтар алуькнавайла, - генани. Гъазфбуру яраб Яру Маймундин йис гъихъгинди жедатла лугъуз фикирзава. Виликди акл фена кланда хъи, герек дагъдал хъаж жен, дагъардиз ават тийин. Жуван гъар са кам, дуьньядин гълариз, патарив гъай инсанрин гъерекатриз килигна, ахтармишна къачунин лазимвал ава.

Къезмай, жезмай крарикай лугъун четин я. 25 йис идалай вилик, Советрин бахтатар уьлкве тергай 1991-йисуз къиле фейи крар рикел хкин.

7-ЯНВАРЬ. Албанияда хъайи къайдасузвилерикай чеб хуьн патал анин граждана тир 500 грек Грециядиз катна.

9-ЯНВАРЬ. США-дин госсекретарь Бэйкер ва Иракдин къецепатан крарин министр Азиз Женевада гуьрушмиш жезва, Персидский заливда дяве акъвазарунин гъакъиндай меслятдал атанач.

12-ЯНВАРЬ. США-дин конгрессда президент Бушаз Иракдин къушунар Кувейтдай ахкъудунин карда военный къуватар ишлемишдай ихтияр гуьзайдан гъакъиндай къарар къабулзава.

13-ЯНВАРЬ. Россиядин печатдин Югъ тайинарзава. Рекъем Россияда I Петрди сад лагъай газет тешкилай йикъахъ галаз алакълу ийизва.

Вильнюсдиз къушун гъахъзава. И кардин себегни СССР-дин сихвал хуьниз хаталувал яз гъисабзава. Телецентр къуна, 15 кас телеф ва хейлинбурал хирер хъана.

14-ЯНВАРЬ. Валентин Павлов премьер - министрвиле тескикарзава. Ам гъукуматдин 10 лагъай руководитель (Лениналай, Рыковалай, Молотовалай, Сталиналай, Маленковалай, Хрущевалай гуьгъуьниз) я.

15-ЯНВАРЬ. Къушун Кувейтдай ахкъудунин месэладай ООНдин векилрихъ галаз къиле фейи рахунра Иракдиз чеб гъатнавай четинвилей экъечдай рехъ жагъанач.

16-ЯНВАРЬ. Иракдиз акси яз 30-далай виниз государственойрин саднавай къушунри Кувейтдай адан къушун чукурун патал, ООНдин санкциярин бинедаллаз "Къумлухда тлурфан" серенжем башламишзава.

Союзникрин къушунда 700 агъзурдалай гъаф аскерар авай, абурукай 500 агъзурдав агакъна США-дин яракълу къуватар тир. Иракдин патай 550 агъзур касди иштиракзавай. 28-январдиз Ирак ООНдин резолюция тамамардайдал рази хъайила, дяведин гъерекатар акъвазарна.

17-ЯНВАРЬ. Ричард Бренсона ва Пер Линдстранда гъавадин шарда аваз Тихий океандилай сад лагъай сеферда цавай фин акълтарна. Ам 46 сятдани 15 декъикъада давам хъанай.

20-ЯНВАРЬ. Малум тушир ксари гуьлле гайидалай гуьгъуьниз Ригадин ОМОН-дин дестеди Латвиядин МВД-дин дараматдал гъужумна. Гъаф инсанар кватл хъанвай шегъердин юкъван къиле фейи ягъунрин нетижада 4 кас телеф хъана.

22-ЯНВАРЬ. СССР-дин Президент М.С.Горбачева (СССР-дин финансин министр В.С.Павлова къил кутуналди) 3 йикъан къене 1961-йисан чешнедин 50 ва 100 манатрин пулар ишлемишуникай хкудунин ва сберкассайрай нагъд пулар гунал сергъят эцигунин гъакъиндай указ акъудна.

23-ЯНВАРЬ. 50-ва 100 манатрин пулар дегишарунал сергъят эцигнавайди малумарна.

24-ЯНВАРЬ. Саднавай къуватри Персидский заливда дяведин вахтунда 15 агъзурдалай виниз сеферра гъавадай лув гана, нетижада 23 самолет квахъна.

29-ЯНВАРЬ. Персидский заливда дяве физвайла, Иракди Саудовский Аравиядиз къушунрин сад лагъай члехи операция башламишна.

Жаванрин библиотекада

Рагъидин ЭМИНОВ

Ахцегъа кардик квай жаванрин библиотекадин залда гъамиша аялар аквада. 400 клелчидиз къуллугъзавай и библиотекадин заведующий Рита Шагъэмирова я. 2001-йисалай кардик квай ана 1288 ктаб хуьзва, абурун къадар мадни артухарунал къиле Р.Шагъэмирова аваз жаван клелчийр алахънава.



Наградаяр вахкана

ЧИ КОРР.

Чна виликамаз хабар гайивал, алатай йисан эхирриз РД-дин физический культурадин ва спортдин министерстводи 2015-йисан нетижайриз килигна республикадин виридалайни хъсан спортсменрин тварар тайинарнавай. Ик, виридалайни хъсанбурун жергеда Олимпиададин, сурдлимпиададин, паралимпиададин (10 спортсмен) ва Олимпиададинбурун тушир жуьрейрал машгул жезвай (12 спортсмен) спортсменар гъатнавай.



Цийи йисан вилик Махачкъалада, Дуствилин квалле, спортсменрив ва абурун тренеррив наградаяр вахкуниз талукъарнавай шад мярекат кыле фена. Ам Дагъустандин Гукуматдин Председателдин Сад лагъай заместитель Анатолий КЪАРИБОВА ачухна. Ада ва РД-дин физический культурадин спортдин министр Мегъамед МЕГЪАМЕДОВА спортдин общественностдиз Цийи йис ва къазанмишнавай гъалибвилер мубаракна.



С.Абдулова, М.Мегъамедов, З.Иразиева

дурь дережайриз акъуднава, - кьейдна Анатолий Къарибова.

Сегънедал республикадин виридалайни хъсанбурун яз гьисабнавай спортсменриз теклифна. Ингъе абурун: паратхэквондистар-Севил АБДУЛОВА (тренер Камал Биярсланов), Заира ИРАЗИЕВА (тренер Арслан Биярсланов), армспортдин (ПОДА) векилар - Тагъир МЕГЪАМЕДОВ, Юсуп ЮСУПАЛИЕВ (кьведан тренерни Гъасан Алибеков), грэпплерар - Руслан АБДУЛЛАЕВ (тренер Заур Агъмедов), Къурбан ГЪАЖИЕВ (тренер Мурад Абдуллаев), кикбоксёрар Башир ТАЖДИНОВ (тренер Агъмед

Агъмедов), Басир АБАКАРОВ (тренер Мегъамед Мегъамедов), женгинин какахъай единоборствойрай (ММА) - Мегъамед АНКАЛАЕВ (тренер Шамил Алибатыров), Бахачали БАХАЧАЛИЕВ (тренер Расул Мегъамедов), панкратиондай - Шамил ГЪАСАНОВ (тренер Олег Мегъамедов), ушу-саньдадай - Муслим САЛИГЪОВ (тренер Гъусейн Магомаев).

Кылдин наградадиз спортдин къугъунрин жуьрейрай (ПОДА) Дагъустанда сад лагъай спортдин мастервилерин твар къазанмишнавай Расул НАЗИРОВ (тренер Константин Аванесов) лайихлу хъана.

Гуьгуьнлай сегънедал Олимпиададин, сурдлимпиададин, паралимпиададин жуьрейрай виридалайни хъсанбурун яз гьисабнавай 10 спортсмен экъечина: азаддаказ ва грекнин римлуьрин жуьреда къуршахар къунай - Билял МАХОВ (тренер Мегъамед Гъусейнов), азаддаказ къуршахар къунай - Абдулрашид САДУЛАЕВ (тренер Шамил Омаров), Абдусалам ГЪАДИСОВ (тренер Иманмурза Алиев), дзюдодай - Камал ХАН-МЕГЪАМЕДОВ (тренер Садык Абдулов), дзюдодай (буьркъуьбурун

спорт) - Шагъбан КЪУРБАНОВ (тренер Газимегамед Агъмедов), Абдула КЪУРАМЕГЪАМЕДОВ (тренер Асельдер Мегъамедов), Малик КЪУРБАНОВ (тренер Гъабиб Мегъамедов), Заур ЖАБРАИЛОВ (тренер Гъамид Умаев), Саадо АБДУРАГЪМАНОВ (тренер Шамил Алиев), тхэквондодай (япариз ван текъезвайбурун спорт) - Шамил ИСАКЪОВ (тренер Азиз Мегъамедов ва Арсен Къурбанов).

Наградаяралди алатай йисуз хъсан нетижаяр къазанмишай спортдин са шумуд жуьредай федерациярин кваллахни кьейдна. Абурун арада авай: къуршахар къунай спортдин федерация (президент Абдусамед Гъамидов), волейболдин - (Ражаб Абдулатипов), регбидин - (Мегъамедрасул Исаев), грекнин римлуьрин жуьреда къуршахар къунай - (Мурад Пайзулаев), тхэквондодин - (Алибег Сулейманов), боксдин - (Эльдар Алимурзаев), армспортдин - (Арсен Булатов), чемерукарай лишанар ягъунай - (Сайпула Абдулмуталипов), шахматдин - (Мегъамед Сулейманов), дзюдодин - (Эсенбулат Мегъамедов) ва Дагъустандин футболдин Союз (Будун Будун).

Жабар АСКЕРОВ:

“Спорт зун патал уьмуьр я...”



Равидин Абдурагъимов ва Жабар Аскеров

ГУЬРУЬШ

Рагнеда РАМАЛДАНОВА

Алатай йисан эхирриз Махачкъалада, “Grand Plaza” твар алай алишвершдин центрада, РД-да авай ФЛНКА-дин жегилрин департаментдин кыле авай ксари лезги халкъдин еке умудар квай спортсмен, спортдин са шумуд жуьредай инанмишвилелди вичин къуватар ахтармишзавай Жабар Аскеровахъ галаз гуьруьш тешкилнавай. Къейд авун лазим я хьи, ФЛНКА-дин жегилрин департаментди и жуьредин гуьруьшар идалай виликни кыле тухванай, и кар, чна умудзава, гележегдани давамарда. Машгуьр спортсменрин уьмуьрдикайни спортдин рекъикай ва тежрибикай суьгъбетри, абурун насигъатри жаванрин руьгъ кхажзавайдал, абуруз спорт кланарзавайдал, шак алач. Ихътин мярекатрихъ ва серенжемрихъ винел акъалтзавай несилдиз ватанпересвилерин тербия гуни рекъийни еке менфят ава.

Гуьруьш РД-да авай ФЛНКА-дин жегилрин департаментдин руководитель Равидин АБДУРАГЪИМОВА ачухна ва кыле тухвана. Ада Ж.Аскерован спортдин ва уьмуьрдин рекъикай куьрелди суьгъбетна. Гуьгуьнлай мярекат “суал-жавабдин” тежерда, хъсан тешкиллвал аваз тамам кьве сятда кыле фена. Кватл хъанвайбуру Ж.Аскерован спортдикай, гележегдин планрикай, хизандикай суалар гана. Малум хъайивал, чи ватандашди Австралиядиз хъфиз гьелелигда тади къачузвач, мукъвал вахтунда Махачкъалада, багърийрин патав, вичин муг кутадай ниятар ава.

Ж.Аскерован мукъвал гележегдин бягъс алай вацра Китайдин Шанхай шежерда KUNLUN FIGHT - 36 твар алай турнирдин сергъятра аваз кыле фида. Агъадихъ чна гуьруьшдай са шумуд суал ва Жабар Аскерован жавабар гузва.

Жабар, куьне пешекарвилерин кикбоксинг хкъягуьнин себеб гьихътинди я?

- Куьне зун пешекарвилерин кикбоксингдал машгуьл хъун хабар къазвани? Пешекарвилерин спортда жуван къуватар алцумун-им зи аял чаван мурад тир жеди, зи хиялар гъамиша пешекарвилерин спортдикай тир, за гъевескарин спортдал са акъван гзаф фикир желб авурди туш. За бягъс тухунин тежер тайский пешекарвилерин боксдихъ ва кикбоксингдихъ галаз хъсан къадайди тир. Гъевескарин спортдал машгуьл хъунин кылин себебар - тварар къазанмишдай, спортдин куклушар муьтлюьгъардай мумкинвал хъун я. Гъа са вахтунда спортди къазанжияр гъана кландайдини

за аннаммишнавай. Гъавилей пешекарвилерин спорт хкъягъайла спорт уьмуьрда кваллахдиз элкъевезвайди я - пул къазанмишдай, хизан хуьдай...

Куьне иштираккай сад лагъай акъажунар рикел хкайтла... Куь гьиссер гьихътинбуру тир?

- Зун датлана кикбоксингдал машгуьл жезвай, спортдин и жуьре халкъдин арада иллаки гзаф машгуьр тир, амма турнирар кикбоксингдай тухузвачир. Турнирар гзафни-гзаф гъевескарин боксдай тешкилнавай. Зун а вахтунда Дербентда авай, боксдай школадин чемпионат тешкилнавай. Ана зани иштиракна. 28 кг-дин заланвал авайбурун арада за анжах са бягъс кыле тухвана, зун гъалиб хъана. Са акъван рикел аламукъдай гьиссер захъ авачир, рикел еке къалабулух квачир, бягъс куьтягна, зун экъечина. А чавуз зи 9 йис тир.

Жабар, са бязи спортсменри чпин гъалибвилер багърийриз, кланибуруз, дустариз... бахшзава. И жигъетдай куь фикир гьихътинди атла чир хъанайтла кландай... Куь гъалибвилер вуж (ва я вуч) патал я?

- Зун жуван хизан, жуван гележегдин жегил хизан патал гъалибвилер къазанмишиз алахъзава: гьикл хьи спорт за пул къазанмишзавай чешме я. За вири гъалибвилер зун спортдиз гъайи зи бубадиз бахшзава.

Бягъсиниз экъечидалди ва адалай куьлухъ куь гьиссер гьихътинбуру я? Рингдал куьне никай (ва я квекай) фикирзава?

- Виликрай бягъсинин вилик зак гъалибвал къазанмишунихъ ва я кумукъунихъ галаз алакъалу фикирри къалабулух кутадай. Гила ахътин къалабулух амач, са тимил теспачавал акатда, амма и гъалди жуьв гъиле къаз, дуьм-дуьздаказ фагъумфикир ийиз тазва. Рингдал за, ахпа гъайиф чугван тийидайвал, жуван къуватрикай вири 100%-дин менфятлувал къачуникай фикирзава. Бягъс акъалтларайла, за жуван кваллах тамамвилелди кыле тухванваз хъайитла, шадвалзава. Эгер кумукънаватла, жувакай хъел къевезва. Амма зун шад жезвай вахтар гзаф я. Бягъс кыле физвай декъикъайра лагъайтла, зи фикирда авайди анжах жуван къаршидиз экъечинавай спортсмен я. Бягъсерилай гуьгуьниз за жуван бубадикай фикирзава... Зи бубадиз сиясат авун хуш кар тир. За жуьреба-жуьре шегерра ва улкъвейра бягъсер кыле тухузва, бубадиз зи патав хъун гьикъван хуш жедайтла...

Гуьруьшдин эхирдай спортсмендин гележегдин планрикай мадни чир хъхъана: спортдин рехъ акъалтларайла, Жабар Аскерова вич политикада ахтармишун кьетнава.

» Россиядин, Европададин ва дуьньядин чемпионатра 2015-йисуз Дагъустандин спортсменри 1013 медаль къазанмишна...

Вичин рахунра Анатолий Шамсудиновича 2015-йис спортдин рекъай еке гъалибвилер къазанмишуналди тафаватлу хъайиди, спортдал рикл алай ксариз яргъалди рикел аламукъдай легъзеяр багъишайди рикел хкана. РД-дин физический культурадин ва спортдин министерстводи Дагъустандин Гукуматдин ва республикадин Кылин куьмекни галаз кыле тухузвай кваллахди хъсан нетижаяр гузвайди кьейдна. Ик, Россиядин, Европададин ва дуьньядин чемпионатра 2015-йисуз чи спортсменри 1 013 медаль къазанмишнавайди, абурукай 371 - къизилдинбуру, 299 - гимишдинбуру, 343 медални буруьнждинбуру тирди лагъана.

- Идалди чна вири улкъевезиз, вири дуьньядиз, дугъриданни, республика спортдин держава, машгуьр спортсменрин чад тирди мад сеферда субутна. Къе и залда кватл хъанвай жегилри чпин гъар йикъан зегъметдалди ва чпи гъиле къунвай кардал кевивал авуналди еке гъалибвилер къазанмишнава. Идалди абуру неинки хайи ерийрин - Дагъустандин - гъакни еке Ватан тир Россиядин тварни гуьн-

